

Symma Juris Canonici

Comprehensa Tribus Partibus In Qua Distincte Et Succincte Explicantur,
quae ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Quæ In Libro Quinto, Et
Sexto Decretalium Continentur

Strein, Johann

Coloniæ Agrippinæ, 1659

7. Quæ multoties, &c. Quicquid in sacratis Deo rebus, & Episcopis iniuste
agitur, pro Sacrilegio reputatur, quia sacra sunt & à quoquam violari non
debent.

[urn:nbn:de:hbz:466:1-61853](https://nbn-resolving.de/urn:nbn:de:hbz:466:1-61853)

supplicium, nisi per excessum torturæ
animam tortus efflarit. Addit, Neapolit.
constitutum esse, ut iniquus tortor
biennali carcere pœnam luat cum pu-

blicatione tertiae partis bonorum. V.
Zanger. tract. de questione & tortur.
Tholosan. l. 48. Syntagm. c. 12. n. 25.

REGVLA VII.

*Quidquid in Sacratis Deo rebus, & Episcopis iniuste agitur pro sacri-
legio reputatur, quia Sacra sunt, & à quoquam violari non
debent. Steph. 1. ep. 2. tom. 1. Concil.*

I. Idem & pluribus Bonifacius Papa in
c. Nulli 12. q. 2. Nulli liceat igno-
rare, omne, quod Domino consecratum,
sive fuerit homo, sive animal, sive ager,
vel quicquid semel fuerit consecratum,
sanctum sanctorum Domino erit, &
ad ius pertinebit Sacerdotum. Propter
quod inexcusabilis erit, qui à domino,
& Ecclesiâ, cui competit, ausert, va-
stat, invadit, vel eripit; & usque ad
emendationem, Ecclesia que satisfac-
tionem ut sacrilegus judicetur, & si
emendare noluerit, excommunicetur.
Idem in sequentibus ingeminatur: unde
communis Interpretum, & Summi-
starum capitul definitio Sacrilegium
rei sacræ violationem esse. S. Thom. 2. 2.
q. 99. art. 1. Angel. Armill. Rosell. Silvest.
Bonac. Navarr. c. 17. n. 95. & alii.

Res Deo sacra hîc illa tantum cen-
setur, que per publicam consecratio-
nem, vel deputationem Deo addicitur,
nec cujusquam pia promissio, aut vo-
tum sufficit. Suar. 1. de Rel. tract. 3. l. 3.
c. 2. Loff. c. 45. dub. 2.

II. Sacrilegium communi DD. usu
in tres species dividitur rei, loci, & per-

sonæ. t. Sicut. c. Quisquis. 17. q. 4. inque
singulis iterum diversi gradus repe-
riuntur, ut cum aliis benè explicat sylv.
in V. Sacrilegium. Etenim rem ipsam
considerando primo loco occurunt Sa-
cramenta, inter quæ eminet Eucharis-
tia. Secundū vasa consecrata ad susci-
piendum Sacramenta, imagines, & reli-
quiæ Sanctorum: tertius pertinentia ad
ornatum Ecclesiæ, & Ministrorum
ipsius. Qui bona temporalia in susten-
tationem ministrorum deputata con-
numerant, impropiè loquuntur. Lo-
cus, sive Ecclesia, sive Oratorium,
aliudve sit cultui divino consecratum
violatur quacunque illius læsione, di-
minutione, corruptione, transmutatio-
ne, cæde, tumultu, actibus profanis, &
indecentibus: si in eo commercia, nun-
dinæ, judicia secularia, & consimilia
exerceantur: si reus inde prohibito
modo extrahatur, aut furtum commit-
tatur. Personæ, cujusmodi sunt cleri-
ci, religiosi, & moniales, violatione,
percusione, fornicatione, aliisque luxu-
riosis actibus, de quibus. V. Filiue. tr. 30.
c. 7.

C

Hinc

Hinc colliges, Pontificem in Reg. præsente non nisi duas Sacrilegii species expressè numerasse, & rei nomine locum sacram comprehendere.

III. Non desunt pœnæ sacrilegis decretæ, seu spirituales, seu corporales: sed excommunicationem quod attinet, de quâ c. Nulli, n. I. allegatum loquitur, non omnes ipso jure excommunicatos esse, qui Ecclesiæ bona furantur, aut dissipant, ex c. Si quis ci-tato manifesta liquet. Monitio præmittenda est, quâ temerè spretæ excommunicationis sententia feratur. Silv. V. Sacrilegium. Clarus. §. eod. Diaz. c. 81. Illi verò ipso jure excommunicati censentur, de quibus Conc. Trid. sess. 22. c. II. de Reform. Si quem clericorum, vel laicorum, quacunque is dignitate, etiam Imperiali, vel regali præfulgeat in tan-tum malorum omnium radix cupiditas occupaverit, ut alicujus Ecclesiæ, seu cuiusvis sacerdotalis, sive regularis beneficii, montium pietatis aliorumque piorum locorum jurisdictiones, bona, census, ac jura etiam feudalia, & emphyteutica, fructus, emolumenta, seu quascunque obventiones, quæ in ministrorum, & pauperum necessitates converti debent, per se, vel alios vi, vel timore incusso, seu quacunque arte, aut quocunque quæsto colore in proprios usus convertere, illosque usurpare præsumperit; seu impedire, ne ab aliis, ad quos pertinent, percipientur, is

anathemati tamdiu subiaceat, quamdiu jurisdictiones, bona, res, jura, fructus, & redditus, quos occupaverat, vel qui ad eum quoquæmodo etiam ex donatione suppositæ pervenerunt, Ecclesiæ, ejusque administratori, sive beneficiato integrè restituerit, ac deinde à Rom. Pontifice absolutionem obtinuerit. Quod si ejusdem Ecclesiæ patronus fuerit, etiam jure patronatus ultra prædictas pœnas, eo ipso privatus existat. Clericus verò, qui nefanda fraudis & usurpationis hujusmodi Fabricator, seu consentiens fuerit, eisdem pœnis subiaceat; nec non quibuscunque beneficiis privatus sit, & ad quacunque alia beneficia inhabilis efficiatur, & à suorum ordinum executione etiam post integram satisfactionem, & absolutionem sui ordinarii arbitrio suspendatur. Ita Conc. Trid. in quo tamen non contineri pœnas absque iudicis definitione aut declaratione incurrendas verba subiaceat efficiatur, suspendatur satis indicant secundum ea, quæ diximus in Summâ Iur. Can. V. Navarr. c. 23. n. 67. Azor Tomo I. l. 5. c. 8. q. 2. & 3. Comitol. l. 6. q. 24. n. 11. & seq.

Quomodo arbitrari pœna castigetur secundum leges sacrilegii crimen per varios casus discurrendo ostendit Menoch. de arbitrar. iudic. casu 389. De pœna pecuniaria quomodo non sit inconveniens etiam iudici Ecclesiastico S. Thom. probat 2. 2. q. 99. art. 4.

REGV.